

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. DATO' NGEH KOO HAM
(BERUAS)**

PERTANYAAN : LISAN

TARIKH : 02.04.2014

Y.B. DATO' NGEH KOO HAM [BERUAS] minta **MENTERI KEWANGAN**

menyatakan kenapa 1Malaysia Development Berhad ditubuhkan untuk membangun projek-

projek berkenaan dengan tenaga (*energy*), harta tanah, pelancongan dan perniagaan pertanian.

Penubuhan 1MDB bersaing dengan pihak swasta dan kenapa Kerajaan tidak membiarkan

pembangunan sedemikian dibangunkan oleh pihak swasta.

JAWAPAN

Tuan Yang di-Pertua,

Untuk makluman Ahli Yang Berhormat, pelaburan 1MDB

kebanyakannya bersifat strategik dan merupakan aktiviti kerjasama di peringkat Kerajaan ataupun *Government-to-Government*. Objektif kerjasama ini adalah untuk merangsang pelaburan yang lebih besar dalam projek berjangka masa panjang dan berimpak tinggi bagi menjana pertumbuhan ekonomi dan sosial negara.

Strategi 1MDB bagi mencapai objektif ini adalah melalui pelaburan di dalam:

- i. Projek-projek pembangunan strategik jangka masa panjang; dan
- ii. Projek-projek yang menekankan kemajuan modal insan.

Tun Razak Exchange (TRX), sebuah projek pembangunan hab kewangan antarabangsa di Kuala Lumpur contohnya, akan mengambil masa lebih kurang 15 hingga 20 tahun. Peringkat awal pembangunan ini akan melibatkan pembangunan infrastruktur pada skala besar dan 1MDB, sebagai pemaju induk yang merupakan 100% milik Kerajaan, akan dapat mengimbangi kehendak masyarakat setempat, keperluan ekonomi negara serta keuntungan syarikat.

Soal *crowding out* tidak timbul kerana pihak swasta akan memainkan peranan yang tidak kurang penting melalui sumbangan tenaga dan kepakaran di dalam setiap peringkat pembangunan TRX, sama ada sebagai kontraktor, perunding maupun pembekal bahan bangunan.

Dalam sektor tenaga, pemilikan IPP Powertek, Kuala Langat Power Plant dan Jimah Energy Ventures adalah langkah pertama bagi 1MDB ke arah memenuhi aspirasi Kerajaan ke arah jaminan tenaga mampan dan mampu diri negara dalam jangka masa yang panjang. Sebagai syarikat hibrid milik Kerajaan, 1MDB boleh memanfaatkan perkongsian awam-swasta yang dinamik bagi mengukuhkan lagi bekalan tenaga dengan mewujudkan pasaran yang lebih kompetitif seperti disarankan dalam Dasar Tenaga Baru.

Sinergi yang bakal diwujudkan oleh aset-aset di bawah portfolio tenaga 1MDB bakal memberi faedah kepada negara dengan meningkatkan kecekapan penjanaan tenaga dan secara tidak langsung mengurangkan kos pengeluaran tenaga.